

CHIMUA LOTSATURIK.<sup>1</sup>

Egazti eta arrai,  
 Abere guztiak,  
 Deitu omen zituen  
 Jupiter andiak,  
 Eta esan zioten  
 Far irriarekin:  
 —Zertarako zatozten  
 Beazute jakin.  
 Umerik ederrena  
 Dakarkidanari  
 Emango diot nik gaur  
 Lepande bat sari,  
 Zillarrezko letretan  
 Esaten duena,  
 Guraso guztietan  
 Au dek abillena.—  
 Badijoaz lasterka  
 Guztiak echera  
 Beren umeak artu  
 Eta ekartzera.  
 Biurtutzen dirade  
 Guztiak batetan  
 Dituztela umeak  
 Beren bizkarretan.

Chimuak erakusten  
 Du bere umea,  
 Jaio berria eta  
 Gañera emea.  
 Jupiter asitzen da  
 Eztanda egiten  
 Duenean alako  
 Figura ikusten.  
 Lertu nai dute ere  
 Abere guztiak  
 Farraz eta algaraz,  
 Chiki ta andiak.  
 Chimu gañoa arras  
 Zaiote lotsatzen,  
 Eta da Tetuana  
 Iges andik joaten.  
 ¿Nolatan atrebitu  
 Zan eramatera  
 Ume itsusi ura  
 Guztien aurrera?  
*Zergatikan ez oi da*  
*Ume itsusirik*  
*Bere gurasoentzat*  
*Ederra ez danik.*

(1) Samaniego-ren ipuia euskerara itzulia,